



岳武穆精忠傳卷之五

第四十六回

夏張桓智引夜叉

李世輔義釋王樞

却說李世輔辭了夏主。與曹桓部兵前往牛背夾進發。世輔至葫蘆山。札謂曹桓曰：「曹賊性頑勇而少謀，可用計擒之。」曹桓曰：「計將安出？」世輔曰：「青面夜叉自恃其巢穴險固，素不知兵。若遇交鋒，須引之入葫蘆山。其地交鋒，山高路小，吾以精騎斷其後，山口用柴草塞住，放火燒着，前後夾攻，彼眾必敗。」夜叉可擒矣。」曹桓曰：「此計甚妙。」次日，曹桓部二千軍搖旗吶喊，殺奔牛背夾來。曹眾報知青面夜叉，夜叉即領羌眾鳴金擂鼓，一湧殺出夾口。夏兵見其勢猛，約退一里。曹桓勒馬挺鎗，敵住夜叉。夜叉舞刀交鋒，二人戰上數口。羌眾漫山塞野，長弓硬弩一齊射來。曹桓抵當不住，拍馬



望蒭蘆山而走。下令軍士丟棄牛馬乾糧。塞滿道路。夜又與酋衆從后趕來。各爭奪所遺。引得夜又進蒭蘆山。夏兵將乾柴亂草塞住山口。放起火來。正值冬天晚風大作。一時間烟焰衝天。酋衆望見后面火起。大驚欲殺出山口。火勢正旺。曹桓引兵從半山殺出。羌衆死者不可勝數。夜又望山后奔走。忽遇世輔引兵截住。大叫酋賊休走。吾在此等多時。就挺鎗與夜又交戰。只兩合。被世輔活擒過馬。盡降其衆。與曹桓兵合。一齊殺入牛背夾來。焚蕩巢穴。得其馬騾軍資器械。不計其數。世輔大勝。引兵回見夏主。押進青面夜。夏主大喜。將夜又梟首號令。即出二十萬騎。以文臣王樞武臣唵訛為陝西招撫使。世輔為延安招撫使。前往與世輔報讐。王樞等引兵前抵延安界也札。次日世輔引兵為前隊。先至延安城下。大叫開城免你們一死。守城軍有認得世輔者。即入府報知總管趙惟清。惟清聞知。

即引軍登城守護。見世輔又大叫曰。好將延安還我宋朝。則休不然。打破城池。寸草不留。惟清城上呼曰。此城今復歸宋。已有赦書在此。世輔于馬上求赦書觀之。惟清命庫吏取赦書投堞下。與世輔。世輔觀畢。曉得本朝與金國講和赦書。因下馬哭拜。謂惟清曰。吾在夏國。借兵復取故疆。今既歸矣。待辭了夏將。然後來會。惟清曰。將軍以宋為父母邦。勿生貳心。世輔當惟清而折箭為誓曰。世輔若負南朝。當同此箭。誓畢。即引所部往見王樞。唵訛諭之曰。世輔到延安府。親見講和赦書。招撫吾今以本部軍歸國。煩為轉奏夏主。吾當期後報也。武臣唵訛不從曰。初經畧乞兵來取陝西。以歸夏主。今既引兵來。乃令我歸耶。世輔知勢不可。乃出刀斫唵訛。唵訛抽身走脫。王樞正待躲避。世輔卻下一齊向前。將王樞縛之。世輔曰。敢有亂動者。即誅之。夏兵雖衆。知世輔勇猛。皆不敢動手。世輔捉王樞入延安。

府與惟清相會。惟清大喜曰：足下真義士也。世輔曰：夏兵已去，若知吾擒了王樞，夏主必引兵來困延安。吾當以奇兵勝之。乃遣賈雄引五千人伏延安之南，令關岳領二千兵伏于延安之北。明早夏兵必到，吾自引兵去迎。佯敗引入中路，放砲為號。三路夾攻，必獲全勝。二將聽令，各引兵于僻處埋伏去了。却說夏將噶訛回見夏主，奏知世輔背逆，捉去王樞。夏主聞奏大怒，即遣大將張暹領二萬鴉子軍往取延安。張暹得命，即引兵前望延安征進，將近其境，只見世輔引軍來到。張暹怒罵曰：背義狂賊，今日休走。世輔曰：我宋臣也，豈事夏國。汝今何故引兵來。暹曰：汝捉我大臣王樞，言而無信。夏主故遣我來誅汝。言罷，舞刀躍馬直取世輔。世輔跑馬退後，便走。暹驅鴉子軍如飛，翼追來，赶上數里。副將趙綽曰：世輔勁敵也，今走莫非有謀。主將可持備之。暹大悔曰：吾中計了。即令後軍速退，言未了。延

安中路，號砲連天。南路賈雄部兵抄出，正迎着趙綽，只兩合被賈雄一刀砍于馬下。殺出中路，與世輔兵合。世輔揮刀所向披靡。張暹逃走北路，被關岳伏兵又殺一陣。復回本路，正遇世輔躍馬近前，將張暹殺死。夏兵大潰，被殺無數。世輔全勝，入延安府，重賞部下。令人押過王樞曰：吾初至夏國借兵，亦重德君。今日豈敢加害。汝歸國見夏主，當結為唇齒，休得妄生異端，而致喪敗。王樞拜謝而去。自是夏人喪膽，再不敢侵犯延安。世輔掛榜招兵，每得一人，與馬一疋。旬日間得驍勇者萬人，乃擒害其父母者，斬首以祭。因謂趙惟清曰：吾讐人已報，今聖上泥于講和，不識他奸詐。吾守鄜延，足知其為人。今當與君募集兵馬，以為恢復之舉。惟清然之。即大開幕府，招募人馬。數月間得馬步軍四萬餘。吳玠在四川聞之，遣張振至延安。撫諭世輔曰：兩國見議和好，不可生事。世輔謂惟清曰：吾當與張振

見吳玠以陳愚見。惟清曰：足下見吳玠，必有高論。世輔即辭，惟清與張振見吳玠于河池。吳玠一見世輔，雄偉壯健，材力可稱。私喜曰：中興得人矣。因令世輔往長安見樓炤。時樓炤為陝西宣諭使。待詔詣行在。世輔辭玠，逕詣樓炤于長安。樓炤曰：近得邸廷消息，甚稱君忠勇。吾當保奏封爵。世輔曰：多賴衆士齊心。世輔有何功，敢望封贈焉。炤曰：此朝廷盛典，非吾所得私。即具表錄奏行在。高宗下詔，以世輔為護國軍承宣使、樞密行府前軍都統制。樓炤承詔，封世輔，送入朝見帝。世輔乃率部下軍南來朝見高宗。高宗大悅，曰：未度遠鎮而有忠義士，若是始終為宋也。世輔叩首稱謝。帝撫勞再三，賜名顯忠。是年五月，四川宣撫使吳玠卒，年四十七。高宗聞之，贈少師，謚武安。蜀人思吳玠之德，立廟以祀，不在話下。

第四十七回

張通古回覆熙宗

胡世將議敵金虜

却說王倫至汴京，見兀朮復高宗講和命。兀朮因割東西南三京壽春府、宿亳曹單等州及陝西京西之地與宋。自引衆從祁州渡河而去。朝見金主，以歸河南陝西地為非計。奏金主曰：撻懶、蒲盧主割河陝與宋，必有陰謀。今宋使王倫在汴，主公可止之，勿令踰境，候再圖中原也。熙宗從其譏。王倫在汴聞之，即遣人奏知高宗，言金人奸詐不可信。臣當赴金國再議講和一事。若無異論，然後歸奏。帝下詔允行。王倫即離了汴京，迤邐至金國，行及中山，會金撻懶等謀反，被金人所執。倫見金主于御子林，奏曰：臣倫領上命，通兩國和好。今既交割宋金封界，結為唇齒，事已定矣。何復詔倫無得踰境，莫非有他意乎。金主不答。令翰林侍制耶律紹文為宣勸官，問王倫。紹文承命出衙，府詰王倫知撻懶罪否。倫對以不知。紹文曰：當日欲和盟好，欲定宋之進貢歲幣。今汝無一言及貢禮，反求割地，必與撻懶

通謀。但知有元帥。豈知有上國耶。倫曰。前日蕭哲以國書許歸梓宮。及韋皇后并割河陝地。天下皆知上國尋海上之盟。與民休息。遣人奉使通好兩國耳。倫安得與撻懶私哉。紹文曰。卿留雲中時。已無還期。今我主放汝歸國。曾無以報。反間貳我君臣哉。即令左右將王倫拘于河間。以待報。衆人即將王倫押赴河間去了。紹文乃遣副使藍公佐還見高宗。議歲貢正朔誓命等事。及索河東士民之在南者。藍公佐受命去訖。紹文遂以拘倫奏知熙宗。熙宗大喜。忽報張通古為使回。熙宗命名進。通古入見熙宗。朝禮畢。熙宗問曰。卿為使中國。言許歸河陝地。曾議貢禮回報乎。通古奏曰。宋之君臣。以梓宮未還。河陝本其故疆。多有不肯屈已受詔諭者。歲貢之命。臣所未聞也。熙宗怒曰。不取河陝。難雪吾恨。通古曰。主公欲取河陝地。即今宋置城兵防守。尚及其部置未定。當議收復。熙宗然之。命幹本為都

元帥。大開國中兵于邠州。令兀朮引兵十萬。自黎陽趨河南。監軍撒離喝部兵十萬。出河中趨陝西。分道入寇。詔下。兀朮等承命。各領兵去訖。先說兀朮部十萬軍。離了金國。行至洪鎮駐札。次日升帳。大小三軍。十班擺列。兀朮令驍將孔彥舟取汴京。令烏祿取歸德。令李成取河南。各領兵二萬前去。若得勝回來。吾當重保汝等官職。三人得令。分兵去訖。兀朮差人以書約撒離喝進兵。聲息傳于諸鎮。孔彥舟烏祿李成驅兵四出。于是東京留守孟庾。南京留守路允迪。西京留守李利用。見金兵勢大。皆以城降。兀朮乘勝南下。河南州縣皆望風納款。惟拱州守將王愷。亳州提轄魏經。會兵欲戰。王愷謂魏經曰。天子以封境付吾等。今日有死而已。決不可降。魏經深然之。因募集精壯。欲為死守計。數日哨馬報兀朮大勢人馬到。王愷與魏經部軍迎敵。兩下各排陣勢。王愷橫刀勒馬立于門旗下。對陣兀朮

大叫曰。宋將尚不早降。而欲邀兵迎戰。莫非尋死路乎。王愷怒指兀朮罵曰。汝乃背信猪狗。叛盟而來。天地鬼神亦不容汝。兀朮顧問部下誰敢出擒此輩。言未畢。律即哥舒應聲而出。拍馬挺鎗。直奔王愷。王愷舞刀交還。二人戰上數合。胡騎衆盛。宋兵先自奔走。王愷力戰哥舒不少退。兀朮見哥舒戰王愷不下。就拈弓搭箭。望宋將當門射來。絃响箭到。王愷不知持防。正中左頰。墜于馬下。魏經正待救應。哥舒一鎗刺透咽喉而死。可憐二將俱喪于金人之手。兀朮就取了拱亳二州。是時撒離喝人馬至陝西。所過州縣皆開城迎降。差人會兀朮。兵進據鳳翔府。聲息傳入臨安。秦檜以其專主和議。至是金人叛盟甚懼。謂給事中馮檝曰。金人背盟。實我主之。今彼舉兵入寇。我之去就未可知。前此大臣皆不足慮。若君上以戎務任張浚。則事可憂矣。公其為我探上意如何。檝許之。入見帝曰。金人長驅犯

境。勢必興師。如張浚者。且須以戎機付之。可勝金人也。帝正色曰。寧至覆國。不用此人。檜聞之喜。越二日。遣廷飛報胡兵已取了東京。南京。河南等路。州縣盡皆陷沒。高宗大怒曰。羯虜背盟。朕與之誓不兩立。卽下詔命東京副留守劉錡。疾赴邀截金人來路。郾延經畧使郭浩。領兵從西路抵殺虜寇吳玠。節制陝西諸路。嚴守津要。遣人賫御札金牌。前去江州。召岳飛為江北諸路招討使。專主征伐。詔下各路去訖。忽福州報到李綱卒。高宗聞報。因哀慟曰。朕自承位以來。前後得綱總理。甚有條緒。近因不為衆所容。謫居于外。偶讀其疏奏。忠義凜然。如言猶在耳。不忘。日前吳玠卒。朕思念之未置。今李綱繼亡。胡寇日亂。莫非天意不與朕得整太平乎。群臣聞之。亦各悲戚。這事不題。却說陝西諸將。因得高宗詔。着令嚴守關隘。金撒離喝兵至河池。哨馬回報四川宣撫副使胡世將。聞金兵將近。各諸將商

議時吳璘孫渥已在計畫守敵策適楊致田晟二人繼至因問胡世將曰
金人精銳吾軍寡寡不敵請少退清塗以挫其鋒孫渥曰撒離喝勢大河
池不可守莫若從楊致所議吳璘厲聲折之曰懦語沮軍可斬也今天子
詔下諸州命截金人來路我等正當戮力拒守惟在死鬪何以退避為計
因謂胡世將曰璘願以家眷百口保河池以破敵如不勝甘就誅戮世將
壯之曰微將軍則敵人愈肆兇狠也即遣諸將分據渭南着令吳璘屯陝
西之北砦自與楊致田晟屯蜀口吳璘即辭世將引所部前抵陝西路邀
敵金人哨馬報近日撒離喝攻破扶風築城以據我軍即目分遣胡騎犯
石壁砦聲甚緊吳璘問誰可前往迎敵金兵川將姚仲應聲而出吳璘
與兵二千交姚仲去迎敵璘又問曰金兵衆盛石壁砦最是關要所在倘
有疎虞未便誰敢再去統制李師顏曰小將願往吳璘亦與驍騎二千去

了遂令軍馬且徹退二十里恐防金人衝突之患且說姚仲引軍前抵石
壁砦遙望胡兵喊聲震天正與宋軍相遇姚仲指撒離喝而罵曰背約反
賊尚敢犯寇中國哉撒離喝大怒使鶻眼郎君出馬鶻眼郎君引兵直衝
過來姚仲挺鎗抵戰兩人鬪不數合胡將烏龍跑出助戰姚仲力敵二將
並無懼怯又塵戰數十合胡兵以連座軍攻入其座上每五人為一座止
敵內用長弓硬弩射出敵不能當如返矢之其皮堅實宋軍皆遁姚仲正
不可透號為連座軍如拐子馬之類金人俱以此勝敵在危急中忽雁頭砦一彪軍馬殺出乃李師顏也兩下夾攻金人尚不肯
退姚仲激怒衝入金陣烏龍不捨復戰被姚仲一鎗刺于馬下李師顏以
驍騎繼至將連座軍馬脚砍倒金兵大敗而走死者無數撒離喝奔入扶
風拒守姚仲李師顏回見吳璘報金人敗入扶風吳璘咲曰兵法云敵近
而靜者恃其險也量扶風小城池雖填滿其兵焉能拒我哉遂令衆軍

速攻之。于是軍中裝起雲梯攻擊城上。矢石如雨。宋兵不能前進。吳璘曰：「金人性暴，莫如城下罵挑之。彼必激怒而出。一鼓可擒矣。」眾軍即于城下罵之。數以糧草不繼，則汝群羯奴盡為死鬼。撒離喝怒甚，謂鶻眼郎曰：「董董哈哩曰：吾當親出一戰。」董哈哩曰：「吳璘勇而多謀，大王只宜堅守。」吳璘曰：「太子兵集，然後出敵，可保必勝。」撒離喝不從。次日引兵出城迎敵。吳璘見撒離喝出戰，心中暗喜，謂李師顏曰：「汝可部兵三千，從左路抄出扶風埋伏。若見山後火起，便殺入城中，自有兵接應。」師顏得令，領兵去了。對陣撒離喝，引眾鳴鼓殺入宋軍。吳璘引兵望後齊退，胡兵乘勝趕來，不數里，望見後面火烟大起，喊聲不絕。撒離喝恐中計，回身殺出，將近火邊，鼓聲响處，兩邊二軍齊出，左有何立，右有潘勝，山上箭如雨發。撒離喝大驚，不敢戀戰，刺斜殺出原路而走。吳璘勒兵掩殺，金兵蹂踏死者，不計其數。撒

離喝殺開一條血路，將近扶風城壕邊，忽見李師顏引軍殺出，大叫胡賊休走。撒離喝欲待死戰，後面姚仲軍馬繼至，與鶻眼郎、君、董哈哩併力奪路奔鳳翔。吳璘遂拔扶風，捉獲金將三員，馬駝輜重無算。由是金人不敢度隴分屯。諸軍全師而還，提聞行在，高宗大悅，曰：「川陝一路，朕不足憂。惟東京可慮。」因勅劉錡疾速進兵，仍詔岳飛沿途接應，使臣領詔去訖。

第四十八回 復雄大驅兵南寇 劉錡乘黑夜劫營

却說兀朮在汴京聞鳳翔哨馬報撒離喝戰敗于扶風，着令元帥火急攻襲河南諸郡，勿被宋軍邀截。兀朮得報，即分調諸將，鼓震南下。次于順昌地界，時有劉錡將赴東京據敵，率所部王彥八字軍四萬人及殿同卒三千，自臨安泝江絕淮至渦口。眾軍正在會食，忽狂風驟起，將帳前帥字旗吹折。錡曰：「此賊兆也。」主暴兵，即令軍中兼程而進。哨馬回報金人敗盟南

下。勢不可當。人馬將至順昌界矣。錡驚曰。東京必陷。若使金人復得順昌。則吾軍無靠足之地。何以為計哉。乃與將佐捨舟陸行。趨至順昌城中。與金兵止爭五十里。果得謀報東京已陷。知府陳規來見劉錡。曰。虜賊勢大。敢問太尉去就之計。錡曰。三軍之命在乎足食。然後可以却敵。城中有糧。則能與公守。不然。另作良圖。規曰。見有米數萬斛。未度足軍支否。錡曰。可矣。候在殺退敵兵。就其食未過。忽報金人大隊已四出攻襲。郡縣皆瓦解。迎降。劉錡聽了。大集諸將。商議迎敵。諸將皆曰。金兵鼓勇而來。不可敵也。請班師回江南。伺其疲乏乘之。錡曰。吾本赴官留司。今東京為金所陷。幸吾全軍在此。有城可守。糧食足支。奈何欲弃之。吾意決矣。敢有言去者。即斬。步將許清曰。太尉奉命副守汴京。軍士扶老携幼而來。正在相與努力一戰于死中求生也。反以退避自謀哉。議與錡合。錡喜曰。得足下數人。金

兵不足患矣。乃鑿舟沉之。示無去意。置家眷于寺中。積薪門外。戒守者曰。倘有不利。即焚我家屬。勿使辱敵手也。分命諸將守諸門。深溝高壘。明斥堠。與土人為問探相警計。于是軍士皆激奮。男子備守。戰婦人礪刀劍。劉錡于城上躬自督厲將士。取劉豫時所造癡車。以輪轆埋城上。撤民戶扉。周匝蔽之。以防敵人攻擊。經營六日。守備之具粗畢。忽報金兵大隊已涉潁河。將近城矣。劉錡聽的。即喚耿訓。閻充曰。汝二人各引兵五千。埋伏城壕邊。候敵人圍城。兩下抄出。吾自有計。二人領兵去了。劉錡又戒諸將。偃旗息鼓。瞰誘敵兵來攻。且說金將阿里黃達引一萬軍。直哨至順昌城下。時將近黃昏。不見城中動靜。城上又無旌幟。心內疑惑。莫非此城無將鎮守。不多時。忽城壕邊一聲砲响。兩翼軍前後截出。金兵大驚。情知中計。阿里勒馬殺奔城南。被耿訓引兵阻住。訓挺鎗拍馬直取阿里。二將戰了數

合。劉錡引兵從南門沖出。與耿訓夾攻阿里。阿里措手不及。被耿訓擒于馬上。黃達正要奪路而走。被閻充乘勝趕上。亦把他擒下。殺死金兵無數。耿訓閻充將阿里黃達押入軍中。見劉錡。錡曰。你今人馬近有多少。誰為首領。將官從實言之。吾寬汝誅。阿里曰。今四太子人馬。見屯汴京。即日韓將軍駐營于白沙窩。距城三十里。二路都統葛王烏祿屯黎陽。三路龍虎大王屯鹿角鎮。三路人馬共有十二萬。部下戰將有撒哈虎。孛董。郎君。律耶。越吉等。錡笑曰。斗筭之人。何足算也。即令將阿里黃達監下。待擒了兀朮。一齊解赴行在。遂戒諭諸將曰。金人初敗。回報韓復雄。必會合三路兵前來。汝眾人各宜戮力建功。勿生退志。遂令韓直吳瑞各領三千軍。分二路于順昌南北小路而行。如見金兵。不可急擊。只鼓噪吶喊。以為疑兵計。彼自退走也。二人得令。引兵去訖。錡下令軍士於城上築羊馬垣穴。垣中

開為門。着許清選善射者。蔽垣而陣。防金用弓弩。大開諸城門待敵。是時金副元帥韓復雄在白沙窩。見敗兵回報阿里黃達。俱被宋軍捉去。復雄大怒曰。吾自歷兵南下。未有敵當抵者。順昌何如人。能首擒吾偏將。遂傳令約三路兵。葛王烏祿龍虎大王急攻順昌。金兵已薄城下。見諸門大開。心中懷疑。忙報知韓復雄。復雄曰。宋人必有謀。汝等且莫攻城。惟以強弓硬弩射之。胡人得令。各取弓弩射上城壕。其箭射去。只中垣上。而不能及人。劉錡教許清用破敵軍翼。以神臂強弩。自城上垣門射下。敵無不中。死者甚衆。胡兵見城上箭如雨落。稍却一望之地。錡自引勁兵開城殺出。宋兵無不一當百。殺入金陣。當先一將交戰。乃是金環沒朶。被劉錡一刀斬于馬下。殺死金兵不可勝計。許清引步兵繼出。前後激擊。破其鉄騎數千。韓復雄欲整陣再戰。人報南北角上。鼓聲不絕。疑有伏兵。劉錡歛兵而回。

金人自不敢近。次日復雄下令攻城。着三路兵裝起雲梯四十乘。每梯上可容數十人。週圍用板遮護。發矢下以輪推之。每一門各用雲梯十乘。梯上軍以箭射之。下者各抱短梯軟索。只看四門鼓動。乘勢上城。上劉錡激厲部將。令八字軍預先辦下火箭。分守四門。待雲梯近城。一齊射下。果是火箭齊發。雲梯皆着。燒死金兵墜地者。尸首枕籍。胡兵不能得進。無計可施。錡于城上遙望。見胡騎連營數十里。因令閻充曰。汝可募壯士引來見我。自有調度。閻充承令。即募集城中壯士。三日間得五百人。引見劉錡。錡喜曰。就吾機也。時夏初間。是夕天欲雨。電光四起。就遣壯士乘夜去劫金營。又教軍中折竹為詔音叫軍中所用物吹之則聞高聲也如市井兒童以為戲者。人各持一詔為號。直犯金營。遇電起時。則四下奮擊。電止則藏匿。莫動。吾以精兵從傍夾攻。金人自亂矣。許清等曰。太尉真妙算也。錡准備停當。至二更

鼓悄開城門。放出五百壯士。遠逼金營。隨電光所燭。喊鬪連天。敵人皆驚亂。殺出電光止。即躲匿不見。宋人聞吹詔聲復聚。金人驚恐不能測。劉錡與眾將引兵前後沖突。吹詔壯士乘勢抄出。金兵慌亂。終夜自戰。壯士隨電光是辨髮者。輒砍之。劉錡殺入金營。正遇金將李董郎君出敵。錡交戰數合。被劉錡砍之。又遇韓復雄。錡又與戰。許清從後殺來。兩下夾擊。復雄奪路而走。行二里。風雨大作。復雄心慌。冒雨拚死殺出。前與葛王烏祿相遇。烏祿曰。將軍可速走。宋兵前後皆是。恐遭其圈套。韓復雄率敗兵望老婆灣退走。及平明已退五十里。與葛王烏祿龍虎大王等。屯札老婆灣。計折人馬甚多。失去馬駝輜重無算。連夜遣人詣汴京求救。未知如何。

第四十九回

律耶翰活捉宋將

勇劉錡順昌鏖兵

却說兀朮在汴哨馬來報金人大敗于順昌。折去大將二十員。糧草盈甲。

掠去殆盡。兀朮聽了大怒。即引十萬胡兵來援。過惟寧府。留一宿。令軍中治戰具。備糗糧。兵勢甚銳。不七日至順昌。劉錡探知。兀朮親引兵來。即會諸將商議。吳端曰。今屢捷。金兵莫若乘此時全師而歸。若兀朮合兵來攻順昌。難必保矣。陳規折之曰。朝廷養兵十五年。正為緩急之用。況已挫敵鋒。軍威稍振。雖寡衆不敵。然有進無退。何得以此言慢軍心哉。錡諭其衆曰。陳府公文人也。猶誓死守。況汝曹耶。且兀朮親來。吾軍若動。彼躡其後。則前功俱廢。使敵侵軼兩淮。震驚江浙。則我等平生報國之志。反成誤國之罪耳。衆聞其言。皆感動。思奮曰。惟太尉命是從。錡喚曹成謂之曰。吾欲遣汝建立大功。汝肯去否。曹成曰。吾在太尉帳下。思欲立功。恨無由耳。今太尉有命。正當就吾志也。豈有不肯去哉。錡曰。吾教汝行反間計。事成必有重賞。只依我教。敵人必不加害。來日兀朮兵至。汝引兵巡哨。遇廝殺。則

佯墜馬。與金人捉去。兀朮如問汝我何如人。則對之劉某。太平邊帥。最喜聲伎。餘無能為也。朝廷因兩國講和。使守東京。圖逸樂耳。依我言。具對。待彼來。吾自有計擒之。曹成領諾。次日引兵出城。哨入兀朮陣中。望見胡將律耶翰。趕來。曹成更不打話。挺鎗就戰。律耶翰舞方天戟抵敵。二人戰上數合。曹成回馬便走。律耶翰趕來。曹成詐慌墜落馬下。被胡兵近前捉了。餘兵各散奔走。金人將曹成綁縛。押入中軍。見兀朮。兀朮問順昌守將何如人。曹成以劉錡言一一對之。兀朮喜曰。此城易破耳。正欲監了曹成。忽胡騎來報。宋人以金將阿里黃達來問元帥贖還曹成。兀朮曰。可從其請。卽令將曹成押出陣前。與宋軍贖轉阿里等。曹成回見劉錡。以兀朮所問告知。劉錡喜曰。敵人可破矣。遂寫文書一角。令耿訓前往。兀朮處約戰。耿訓得令去了。錡謂衆將曰。吾觀順昌之潁河。兀朮所經由處也。吾預造浮

橋以誘其衆。值今暑熱，天氣金人無飲水處，必趨潁河求飲。先于上流放毒，汝衆人交戰時雖渴死，勿飲于河。縱敵人飲之，遇中毒病，吾以大軍隨後掩之。無有不克。衆將得令，各相戒備不題。却說兀术人馬至老婆灣，韓復雄等接着，訴出致敗緣由。兀术聽了，就要計畫戰策。忽報劉錡遣人約戰。兀术放入耿訓進至帳中，呈上戰書。兀术折而視之。

書曰：大宋劉錡手書付金元帥麾下。往者遣使來通兩國之歡，信誓昭然。誠謂世守茲盟，無有携貳，而不謂背弃舊約，興兵內寇。乘中國之不備，遂肆憑陵，致使生靈身冒鋒鏑。今者聖天子震怒，詔下諸鎮出兵邀截，將士憤怒，咸欲一戰。若能不渝前好，仍復退去，歸太上皇帝梓宮，并還中原故地，是所望于善鄰也。不然，請陣兵城南，試決雌雄。吾雖懦弱，亦不少避。具書到日，元帥其察之。

兀术看書畢，大怒曰：劉錡何敢與我戰，以吾力破汝城，直用靴尖趯倒耳。訓曰：太尉非但請戰，且謂太子必不敢濟河，願獻浮橋五。所以濟汝衆。兀术批回戰書，約其交鋒日期。耿訓領書回訖，兀术乃下令準備出兵。葛王烏祿進曰：適報劉錡果造五浮橋于潁河，莫非有計。元帥不可深入。兀术曰：劉錡為人，吾聞知久矣。汝等不必過慮。次日就令龍虎大王與撒哈虎以鉄騎隨拐子馬。女直為之，號長勝軍，專以攻堅陣。分左右翼而進。候兩軍戰酣，從中軍

衝擊。又令韓復雄與律耶越吉引鉄車軍一萬，各帶強弓硬弩，伏射敵將馬脚。教葛王烏祿部大隊後應，自領牙兵三千，皆披重鎧，號為鉄浮圖兵。各帶鉄兜牟，周匝綴長簷，三人為一伍，貫以韋索。每進一步，即用拒馬擁之交鋒際，冲入敵陣，退不可却。最為難敵者。兀术預備戰具，專待對陣。且說耿訓回見劉錡，具說金人用兵之術。錡曰：虜賊銳氣正猛，且少避之。戒

精忠傳 卷五 三
軍士用心守護城池。兀术大衆過潁河而來。鼓鈺之聲。遠聞數十里。將順
昌圍了三匝。縱兵攻擊。城中只是堅守。圍了二日。劉錡率衆登城。見敵兵
皆用拐子馬。諸酋各居一部。攻擊不息。錡隨機制之。或以矢石發下。金兵
亦多損折。時大暑。虜兵遠來疲倦。日夜不解甲。口中渴甚。食水者輒病。劉
錡士氣閉。暇軍皆番休。方晨氣清涼。按軍不動。逮未申時。窺敵兵力疲。謂
部下曰。可以戰矣。因令趙樽韓直。分左右翼。引敢死士。出西門接戰。與之
約曰。候火砲起。可逃至南門。吾以親兵來應。趙韓卽領二萬人。開西門直
犯金營。兀术見宋兵到。令韓復雄龍虎大王引兵來戰。將韓趙二人圍在
垓心。趙樽與韓直於金陣衝突。身中數矢。戰不肯已。部下士各殊死鬪。逃
過城南。劉錡與閻充許清引軍從金陣攻入。兩下吶喊。閻充一騎正遇金
將撒哈虎。提起大斧。直取閻充。閻充手起鎗到。刺于馬下。金兵敗散。劉錡

乘勝直入重圍。又遇金將阿哩麻王。使三尖刀敵住。劉錡大怒。一刀揮為
兩截。是時金兵雖衆。見宋人勇不可當。只顧奔走。無心戀戰。龍虎大王繼
後放出拐子馬。趙樽韓直以步軍斫其馬脚。拐子馬先倒。被宋軍乘勢殲
之。喪折殆盡。東營韓復雄走見兀术。曰。宋已破吾軍矣。元帥可速退。吾以
鉄浮圖截住敵兵。兀术奪路殺出陣西而走。宋兵見鉄浮圖冲擊。許清所
部以長鎗標去堞。牟着步軍用大斧斫其臂。利刀碎其首。虜賊崩潰。是夕
遇大雨。平地水深尺餘。平明兀术靠陣不住。拔營走退。數十里。宋兵戰酣
歇息。劉錡曰。剖竹之勢。數節之後。迎刃而解。汝等休失此機會。取封侯在
其時也。衆皆感厲。復兼程追襲。沿路金鼓不絕。兀术喪膽。沒命奔走。被宋
軍殺的屍橫遍野。血流成河。兀术連夜遁去。劉錡全師而還。獲其馬駝餼
糧。不可勝計。車旗器甲。積如山阜。劉錡卽遣人赴行在報捷。高宗大悅。下

詔陞賞劉錡并將士封級各依功之大小陞擢不在話下。

第五十回 張琦大戰青谿嶺 王順被激援宿州

却說兀朮走至陳州。憤怒不息。其平日所恃以為強者。因順昌之戰。十已損七八。數諸將罪過。皆鞭之。遂還汴京。遣鄺瓊與葛王烏祿屯亳州。以備宋兵追襲。遣人約撒離喝出涇州。分劉錡之勢。時撒離喝在鳳翔。聞兀朮戰敗。約以出兵。即與部將鶻眼郎君孛董哈哩寇涇州。吳璘聞知消息。與楊政議曰。近日哨報順昌之捷。金人挫刃。兀朮又會胡兵復出。我同君駐兵大蟲嶺。候敵虜來寇。一鼓擒之。楊政依計。與吳璘夾山而營。撒離喝與衆從渭河而進。聞宋兵屯大蟲嶺。即登高覘吳璘寨柵。因謂其屬曰。善戰者立于不敗之地。此難與爭也。乃引兵趨邠州。邠州守將田晟知的。即遣驍將張琦引兵五千拒之于青谿嶺。仍差人會胡世將來援。田晟自守在

涇州。却說撒離喝引軍到青谿嶺。即與張琦交戰。不數合。忽嶺側兩彪軍殺出。上首孛董哈哩。下首鶻眼郎君。率胡兵抄在張琦背後。把琦圍在垓心。琦死戰不得脫。折兵大半。正危急之間。喊聲大起。西北角一彪軍殺來。乃胡世將遣來救援。王彥揚從儀也。與張琦夾攻金兵。撒離喝不知地理。恐中宋人計。與衆將乘勢殺奔鳳翔。至涇州。又遇田晟引兵截住。金人前後受敵。大敗逃遁。田晟奪其兵馬甚衆。撒離喝走還鳳翔。時岳飛引軍長驅以闢中原。糾合兩河忠義。東援劉錡。西援郭浩。又遣李實。牛皋相繼出敵。張憲敗金將韓常于潁昌。遂復淮寧府。郝晟復鄭州。張應。韓清復西京。楊遇復南城軍。喬握堅復趙州。金府尹李成奔河南遁走。他將所至皆捷。自是宋軍大捷。虜寇不暇為謀矣。却說金將韓常戰敗于張憲。遣人詣汴京取救。兀朮遣遼將苗酋應之。苗酋辭了兀朮。領數萬人馬來援潁昌。

遇張憲于滑州。兩陣對圓。苗酋與張憲戰上數十合。城北一派鼓聲。韓常抄出陣後。兩下夾攻張憲。不能抵當。跑馬望城西而走。金兵乘勢追襲。張憲率衆走上大楓嶺。屯札苗酋引兵圍之。次日嶺上宋兵看時。見胡騎漫山塞野。宋兵不敢下嶺。憲遣人求救于張俊。張俊聽知。卽遣統制王德引兵援穎昌。王德引兵二萬。前抵穎昌。正值金人圍逼張憲。王德喊聲而進。苗酋來迎。兩下混戰。張憲在嶺上望見救兵來到。卽引兵凭高殺下。韓常兵敗。自相踐踏。死者無數。苗酋引衆急退。王德遂復穎昌。又接張俊救文。着令提兵援宿州。王德謂張憲曰。足下權守住穎昌。俟岳侯來會。我提衆救宿州。張憲許諾。王德卽引軍兼程。馳至蘄縣。前與金遊騎相遇。王德以兵破之。遂入蘄城。次日王德引兵趨宿州。約束軍士。候夜半薄金營。金兵不知何處。軍到。自相驚亂。王德乘亂擊之。死者相藉。平明。金將高統軍。副

將馬秦。帥衆阻汴水邀戰。王德嚴陣策馬先濟。步騎從之。德遙謂金人曰。吾與汝大小百戰。雖汝國有名將來戰。亦無不敗。汝何敢來邀戰。今日若卸甲納降。尚留殘生。不然。目下必誅。高統軍久聞王德英雄。遂投兵納降。德大喜。令人勸諭馬秦。馬秦已馳入城閉門固守。王德怒叱其子順曰。汝若取不得宿州。休來見我。王順得令。與部將花雲。疊囊砂于城下。令軍士攀垣而上。城上矢石如注。宋軍不能近前。王順手執蠻牌。首先登城。部下相繼而進。遂拔了宿州。馬秦進退無地。只得歸降。王德平了宿州。着令高統軍與花雲鎮守。自引兵趨亳州。與張俊軍會于城外。張俊見王德一路報捷甚喜。謂之曰。足下真能克敵。待復取亳州。吾當重保公爵。德曰。惟願立功。以報朝廷。封賞非所望。卽與俊分兵攻西南二門。城內葛王烏祿聽得王德攻打亳州。謂酈瓊曰。王德驍勇。未易當也。乘夜引本部人馬開東

門遁去。王德入亳州。請于俊曰。今兵威已振。宜乘勢進取。俊曰。今諸郡新復。人心未安。待岳少保兵到。進兵未晚矣。德然之。遂引兵還鎮江。秋七月。諸鎮連以捷音奏聞。帝下詔罪狀兀术失信。着令西河忠義用心誅戮。又下詔催促岳飛領兵前進。當時有中丞王次翁與秦檜互黨。凡可以為檜設施者。無不盡力為之。及聞金人南寇。恐秦檜得罪。因奏曰。前日國是初無主議。事有小變。更用他相。後來者未必賢。而排黜異黨。紛累月不能定。願陛下以為至戒。帝深然之。秦檜感德之。由是益安據其位。公論不能搖矣。却說岳飛承高宗詔命。領兵前進。遂留軍于潁昌。令王貴守之。召回張憲。命諸將分道出戰。有引輕騎將直搗汴京。以檄文示中原兩河官吏。檄曰。契勘偽齊僭號。竊據下京。舊忝壹臣。累蒙任使。是宜執節效死。圖報國恩。乃敢背弃君父。無天而行。以祖宗涵養之澤。翻為仇怨。率

華夏禮儀之俗。甘事腥羶。紫色餘分。擬亂正統。想其面目。何以臨人。方且妄圖襄漢之行。欲窺川蜀之路。專犯不韙。自速誅夷。我國家厄運已銷。中興在即。天時既順。人意悉諧。所在皆賈勇之夫。思共快不平之忿。今王師已盡壓淮泗。東過海沂。驛騎交馳。羽檄疊至。故我得兼收南陽智謀之士。提大河忠孝之人。仗義以行。乘時而動。金洋之兵出其西。荆湖之師繼其後。雖同心一德。足以吞彼國之梟群。然三令五申。豈忍殘吾宋之赤子。爾應陷沒州縣。官吏兵民等。元非本意。諒皆脅從。屈于賊威。歸逃無路。我今奉辭伐罪。拯溺蘇枯。惟務安集。秋毫無犯。倘能開門納款。肉袒迎降。或願倒戈以前驅。或列壺漿而在道。自應悉仍舊貫。不改職業。盡除戎索。咸用漢條。如或執迷不悟。甘為叛人。嗾桀犬以吠堯。詈獵師以哭虎。義當躬行天罰。玉石俱焚。

禍並宗親。辱及父祖。挂今日之逆黨。遺千載之惡名。順逆二途。早宜擇處。兵戈既逼。雖悔何追。謹連黃榜在前。各宜在後。

岳飛傳示檄文去後。其太行山忠義壯士及兩河豪傑皆會合來歸。以此備知金兵聲息。并地理險易矣。却說四太子兀朮。聽知岳飛人馬將抵汴京。大驚。會集龍虎大王蓋天大王三路番漢人馬。欲併力一戰。飛聞之。謂諸將曰。金人計窮矣。將會兵齊來與我決一死戰。汝等皆當用命。恢復中原。迎回二帝。取富貴在此一舉。若有遇敵退怯者。全隊皆斬。眾將皆曰。將軍所令。誰敢有違。飛喚過岳雲曰。汝與張憲孟邦杰領背嵬騎兵五千。直衝其陣。若戰不勝。先斬汝首。三人得令。引兵去了。又遣善罵軍士出與兀朮挑戰。數其過。以激其怒。飛自以精騎後應。却說岳雲與張憲孟邦杰率背嵬騎兵。分為左右翼。至平川。遇兀朮人馬。搖旗吶喊。來到岳雲排下陣。

勢。手執銅鎚。立于門旗下。上首張憲。下首孟邦杰。隔陣蓋天大王挺鎗躍馬而出。上首韓常。下首孔彥舟。岳雲指着蓋天大王罵曰。殺未盡死羯奴。何不下馬受擒。蓋天大王曰。我特來梟汝首級。岳雲大怒。舉兵器與蓋天大王交戰。兩下金鼓齊鳴。二人戰上十餘合。岳雲精神越倍。蓋天大王鎗法已亂。金陣中韓常出馬助戰。宋陣張憲搶出抵住韓常。交戰孔彥舟孟邦杰二騎齊出。吶喊大震。兩下混戰。蓋天大王氣力不加。勒馬跑回本陣。岳雲綽起銅鎚後追。馬尾相接。只聞一聲霹靂。岳雲望蓋天大王腦後打落下馬。孟邦杰張憲引兵乘勢冲入。孔彥舟韓常大助。殲死胡兵無數。後陣兀朮見宋兵追擊。遣塔夏金吾驅出拐子馬。奔衝南陣。宋兵不能抵當。岳飛于後隊看見。卽令徐慶楊欽趙雲分領三千步兵。各執麻札刀迎敵。拐子馬教其勿仰視。惟望脚底斫進。三人得令。近前見拐子馬。三馬相聯。

猶如山壓之勢。將宋軍冲的四分五路。徐慶等引兵望馬脚砍去。一馬倒墜。二馬俱不能行。岳飛以精騎橫冲其陣。首殺夏金吾。遂大破之。兀朮見勢不利。從陣中潰圍而走。殺死金兵無數。搶奪器械極多。畢竟後來何如。

第五十一回

小商橋再興陣亡

朱仙鎮岳飛觀星

却說兀朮敗兵奔回舊營。計點人馬。折了一半。殺却蓋天大王及女塔夏金吾。并大將六員。副將粘汗重傷。送至汴京而死。兀朮因大失利。慟謂龍虎大王曰。吾自海上起兵。皆用此拐子馬取勝。今被岳家所破。吾誓與他再決一戰。以雪吾憤。因手書令撒離喝引兵來應復。召集李成趙榮等。合衆數十萬。次于臨穎。岳飛聞知。兀朮復來。志在死鬪。當用伏兵擒之。因問軍中誰敢引兵前往。小商橋拒敵。言未畢。健將楊再興挺身出曰。小將願往。飛曰。小商橋路徑險阻。必須知地理者可當此任。汝不可去。再興曰。

往常小將出征。君侯皆許。今日獨不許再興立功何也。飛曰。汝堅要去。當依吾戒。若戰敵人小却。不宜深襲。吾自有兵來援。遂與三百騎再興領兵而去。岳飛放心不下。又令岳雲引兵埋伏臨穎北岸。候有動靜。急出救護。岳雲亦領兵去訖。却說兀朮人馬鼓勇而來。先遣萬戶撒八千戶張朶。領二千人前哨。又着番漢渤兒蓋五十。引鉄騎抄從小商橋合擊宋軍。諸將各引軍去。且說撒八張朶部胡兵哨進小商橋。正遇宋將楊再興騎軍擺列橋頭。大叫虜賊休走。撒八張朶大怒。勒馬雙出。楊再興手揮雙刀。驟馬與戰。方數合。金將力怯。一齊退走。再興不捨。砍陣而入。金人大敗。忽橋後喊聲大起。一彪人馬殺來。乃番將蓋五十也。宋兵恰慌。金將撒八張朶見番人旗號。復勒騎殺回。將宋軍圍在中間。原來其地止有一條路。中間是小商橋。隔斷楊再興。雖勇。前後皆是金人。欲進不得。遂回顧衆軍大呼曰。

今日當以死報岳將軍也。縱騎衝突。金人兩下弓弩亂發。再興身被數十矢。忍痛不住。墜死馬下。忽北岸鼓聲大响。岳雲引兵殺出。金兵望見岳家旗號。大驚曰。岳爺來了。各四散奔走。岳雲駿騎已到。迎頭遇着撒八。雲手起鎚落。打死馬下。遂一湧殺入。蓋五十張朶弃馬涉水而走去了。雲與衆騎始得再興尸首。身無完膚。因令軍士焚之。得其箭鏃二升。岳雲嘆息不已。回報再興被金人射死。岳飛聞言。遂問走回騎兵的實。騎兵曰。楊統制初殺敗金兵。將軍令其勿入深敵。彼貪戰追襲。不限防後面有金人抄出。兩下夾攻。當下統制猶自奮鬪。誓以必死。及因兩下放箭如雨。進退莫得。身被亂矢而死。岳飛聞言。哭曰。再興健勇克敵。隨吾屢立奇功。部下未有出其右者。可惜身死鋒鏑之下。忽報兀术人馬大至。飛令張憲楊欽等出敵。復令徐慶引一軍伏于橋側。候敵人過。放火烧絕。徐慶引軍去訖。兀

术前鋒李成趙榮。將近偃城。忽遇張憲引軍殺至。李成不能當抵。折兵大半。兀术見前陣戰敗。自引大隊衝過小商橋來迎。岳飛部軍從城北殺來。與兀术兩騎相交。戰上十餘合。張憲楊欽引軍殺回。兀术遮攔不住。勒馬衝出。岳飛驅部下掩殺。兀术走至小商橋。見橋已被燒絕。與敗騎涉水而走。徐慶引兵從半渡擊之。金兵大敗。死于水中者無數。兀术連夜逃走。岳飛鳴金收軍。謂岳雲曰。虜賊屢敗。必還攻潁昌。汝可引兵一萬。速援王貴。岳雲得令去訖。且說兀术果引兵往襲潁昌。王貴率軍出戰。兀术與龍虎大王兩翼而出。王貴孤軍難敵。被圍在垓心。兀术復遣韓常攻城東門。王貴前後莫救。正在危急。忽中路旌旗亂滾。一彪軍殺來。乃岳雲也。雲引兵與兀术戰于城西。金兵見岳家軍又到。各自驚亂。王貴乘勢攻擊。兀术見部下先遁。無心戀戰。率衆奪路走保汴京。岳雲與王貴合兵來見岳飛。飛

曰兀術勢已促若復逐之彼必不敢正視鄆城矣遂進軍屯朱仙鎮距汴京只爭四十五里兀術聽知岳飛駐兵朱仙鎮大恐龍虎大王馬陵思謀乞查崔慶李觀崔虎華旺等議曰岳少保勢銳吾軍屢挫其鋒今又駐兵在通部下皆胆落矣誰肯復戰哉汝衆人有何計策龍虎大王曰不如且弃汴京少避其鋒伺後觀釁而動亦權宜一策也遂請兀術退去兀術欲從衆議下令各營人馬準備渡河而去有書生入見兀術曰太子不須走矣岳少保且將退去兀術曰岳少保以五百騎破五十萬之衆今汴京士民日夜望其來何如可守書生曰自古未有權臣在內而大將能立功于外者岳少保自身且不能免况欲成功乎太子且暫駐兵以審岳家動靜那時退去未遲兀術以手加額曰此天使執事來教吾也遂拱手稱謝復令留兵不去因修書納于蠟丸中遣帳前機密者謂之曰汝將此書往南

宋臨安府見秦檜問他如何背前盟全不依我言語着他用意謀了岳飛父子方是報我國之恩差人領諾兀術即將蠟書藏于其人頭髮中臨行再囑勿致漏洩事情回來當重賞差人即辭兀術逕往南來却說秦檜自秉丞相重權以來惟思撥弄高宗專為金國之謀一日與妻王氏在西湖賞翫景致共坐飲酒忽兀術來人逕近席邊拜見秦檜驚問曰汝何人不在府中見我而逕到此間差人密言曰奉金國四太子命來檜知之復問有書否其人即於髻中取出蠟書一丸遞與秦檜檜揭開取書看畢命左右賞來人銀一錠着令回覆四太子說吾自有主意不必掛懷差人受了賞即拜謝回去不在話下秦檜復以書與王氏觀之備具其事檜曰四太子令吾殺害岳少保父子眼前未有機會如之奈何王氏咲曰相公位居宰輔職掌百僚謀這小事有何難哉檜曰計將安出望夫人教我王氏曰

明日丞相早朝可奏言金國欲來議和送還羣太后。近因邊廷諸將貪功爭鬪不已。以此和議不成。宜召回岳飛。令諸將各自領兵復回本鎮。使人前去議和。迎取太上皇梓宮及聖母盃輿。上必准奏。其事成矣。若岳飛不肯班師。他見各處軍馬抽回。只有他一枝孤軍在外。亦須領還。如彼部下勸其鼓戰前驅。仍連用金牌去召。我知岳飛忠孝。不敢抗命。必定班師。待他回日。復奏進位三公。奪其兵柄。然後尋個風流罪擬之。將彼父子害了。猶如反掌易耳。秦檜喜曰。此計深合吾意。遂罷筵歸府。次日朝見高宗。奏請臣知金國意在請和。送回梓宮及國母。還河陝等郡。乞陛下差人前去召回岳飛。命衆將班師。各領所部軍馬歸鎮。且從和議。候在太上皇梓宮併太后車駕回日。再復計較。高宗大悅。准奏。遂差司農少卿李若虛前往朱仙鎮見岳飛。諭令班師。岳飛曰。金人銳氣已失。我所部鼓舞用命。時不

再來機不可失。願司農回朝奏知朝廷。今日恢復中原。雪國之恥。在此一舉。若聽奸臣之言。取回本部軍馬。把我十年之功。一旦俱廢。李若虛聽得飛言激切。只得回朝去了。即日岳飛戒令將士曰。克復兩京。收復故地。只在目下。汝等各自奮勇。取功封侯。是其時也。若有怠吾軍令者。罪及妻孥。將士聽了軍令。無不歡呼。願效死鬪。於是岳飛筵集諸將。指日渡河。

張憲

周真

梁興

孟邦杰

姚政

黃欽

呂榮

徐慶

李忠

宗迪

王剛

董先

牛皋

士安

岳雲

楊宣

王清

趙秉淵

郝晟

杜彥

范榮

李寶

劉得

張裕

郭進

楊珍

薛密

李進

王進

鄭得

趙雲

劉遇

張彥

張立

張用

張應

岳飛所部三十六員統制官。共計前領并新集人馬三十萬。軍聲大振。磁相澤潞等州諸郡豪傑守臣。皆使人來約。在何日與官軍會合。岳飛遣人與之旗號。是時各處父老百姓。拽車牽牛。送運糧草。皆頭頂香盤迎接。塞滿道路。岳飛遣將分騎前後所擊虜寇。虜寇輒敗。人馬損折將盡。兀朮欲復簽點民兵。以抗岳飛。河北一路。並無一騎應者。兀朮嘆曰。吾自北方以來。未有如今日之挫折。密囑部下。各準備走路。有金副將韓常。因與兀朮女壻夏金吾領兵與宋軍交戰。被岳飛斬於陣中。怕兀朮見罪。不敢回營。乃駐兵於長葛。見金人勢促。密差小騎來見岳飛。願將所部之兵來降。馬陵思謀最驍勇。夜來巡視。聞軍中號叫之聲。馬陵思謀潛聽之。皆曰我等皆是宋朝士民。被兀朮拘迫為軍。今岳少保兵來。兀朮出戰即敗。虜賊早晚休矣。所怕金將馬陵思謀素強悍。我們何不暗用計策。殺此賊去。見岳

侯。功勞不小。數內一個道。不要走透。我們看個空便下手。馬陵思謀聞之大驚。自思曰。軍心已變。莫如做個人情。同去歸降岳家。又且自保其患。豈不美哉。次日召衆軍諭之曰。汝們衆人。毋自輕動。待岳家軍來。即降。衆人大喜。各備迎接官軍。金將王鎮。崔慶。李凱。崔虎。華旺等。皆率所部降。飛龍虎大王。却將乞查等。亦暗約岳飛。願降。岳飛大喜。是夕出帳。仰觀星象。見紫微垣好星近逼。知朝廷有人。蔽惑聖聰。因作滿江紅詞一闕。以見志云。詞曰。怒髮冲冠。凭闌處。瀟瀟雨歇。抬望眼。仰天長嘯。壯懷激烈。三十功名塵與土。八千里路雲和月。莫等閒。白了少年頭。空悲切。靖康恥。猶未雪。臣子恨。何時滅。駕長車。踏破賀蘭山缺。壯志飢餐胡虜肉。笑談渴飲匈奴血。待從頭。收拾舊山河。朝天闕。

次日岳飛鎬賞軍士。約在克日起營。欲先復汴京。乘勝以復中原。不在話

下且說司農李若虛。回見高宗。具岳飛進兵以奏。高宗聞奏。欲從之。秦檜出班諫曰。陛下欲使韋太后早還。正須在講結盟好。豈可與邊將邀功。而失大謀乎。乞再遣使命。齎金字牌。遞到劄子。催促張俊楊沂中韓世忠劉錡郭浩各領人馬。還本鎮。高宗允奏。即遣使召回諸路官軍。只有岳飛人馬不回。復具表奏曰。金將家小。盡聚在東京。即目兀朮累戰累敗。銳氣已喪。探事人報兀朮老小。盡夜渡河北去。輜重皆棄。況今豪傑向風。士卒用命。天時人事。強弱已見。時不再來。機會難得。臣實謂恢復中原。在此一舉。今若召臣回還。挫了十年之功。一旦俱廢。若不乘時。必留後患。願陛下圖之。高宗得奏。因與秦檜專主和議。遂不允。秦檜恐岳飛成功。則背金人之約。乃暗使臺臣王次翁等。力請於朝曰。即今諸帥皆領兵回鎮。只有岳飛孤軍在外。誠恐有失。乞促班師。高宗准其議。連發金牌前去。召還岳飛。

第五十二回

秦檜怒貶張九成

忠植大罵撒離喝

却說岳飛在朱仙鎮。盡力謀畫克復兩京之計。只一日之間。金字牌遞到。劄子一十二道。岳飛不勝憤激。東向再拜曰。臣十年之力。廢於一旦。非臣子不能稱職。實在廷奸佞之誤。陛下矣。拜訖。嗚咽流涕。軍中將士無不切齒。不多時。又見丞相府差田思中齎金字牌。遞到尚書省。劄子到於軍前。催促岳飛速領兵回還鄂州。聽候加官受賞。其邊境軍務。朝廷自有處置。若有稽遲。即是抗違君命。岳飛見劄子。默然莫對。岳雲張憲向前曰。今日兀朮計窮。取東京只在眼下。豈不聞將在外。君命有所不受。伏望大人暫停數日。待擒了兀朮。修理官闕。取聖駕還京。那時以功贖罪。未為晚矣。田思中見岳飛部下不肯回。因謂飛曰。招討父子忠孝人矣。豈不知君臣禮哉。今朝廷連召招討回軍。欲擬封爵。實報功臣之盛典也。今若弗隨詔

而回。久後朝廷見罪。功過自不相掩耳。招討其熟思之。岳飛沉吟半晌。謂岳雲等曰。我父子與部下。盡忠報國。今如抗違君命。反為逆臣矣。况朝廷十二次金牌來到。如何坐執不回兵。汝等勿再猶豫。下令各營準備起行。先令田思中回奏。臨岐飛謂之曰。切不可漏泄我回軍機事。思中曰。謹當受教。即辭了岳飛。馳驛回還臨安。再說岳飛喚過張憲王貴。近前密語曰。吾今所領三十萬兵。分一半與汝二人。領回淮南駐札。其餘人馬。吾帶回鄂州。以待朝死之命。不可令外人知覺。張憲王貴受令而去。此時岳飛探知兀朮已渡河北走。因教眾軍拔營離了朱仙鎮。引還其附近士民聽的岳侯班師。各遮馬痛哭曰。我等因相公檄文傳到。欲復兩京。以此父老士民皆頭頂香盤。簞食壺漿。迎接官軍。金人悉知之。今相公引兵回。我等必遭虜騎所殘。唯類矣。乞相公暫停數日。待取了汴京。委將鎮守。方能保吾

家屬免被金人苦虐。言罷。放聲大哭。宋軍見之。無不心酸。岳飛在馬上亦泣下。即令人捧將金字牌一十三面。尚書省劄子一十三道。與眾人看曰。非我遺棄汝等。今因朝廷連降金字牌到此。促我班師。此時不敢擅留。因謂之曰。我當駐兵五日。汝等可速遷徙。以免金人禍也。眾人聞言。哭聲震野。各携妻孥而南者。猶如墟市。岳飛亟奏以漢上六郡閑田。給處所徙士民。不在話下。却說兀朮在汴。探聽的岳飛回兵。知是秦檜之謀。大喜。欲分兵追擊之。左右曰。岳侯機深智足。太子未可輕動。若追之。恐墜其計。兀朮從其言。不數日而河南新復郡縣。皆為金人占去。再說田思中回奏高宗曰。即今岳少保隨金牌御劄。引軍還自郾城。令臣先回覆表。高宗未下命。秘閣修撰張九成。率廷臣喻樛。陳剛中。凌景焚。光遠。毛叔度等。奏曰。岳少保指揮所部。克日恢復兩京。陛下正須手勅勉厲。使之得就此舉。深讐可

雪。故疆可取。而信讒言。詔其班師。致使兩河忠義。知朝廷不復用兵。將士解體。竟為南渡之偏安。可勝惜哉。秦檜廷詰之曰。昔公曾與趙尚書即趙鼎也言。金實厭兵。而張虛聲。以撼中國。因奏聖上。道彼誠能從吾所言。則與之和。使權在朝廷。公此言。衆皆知之。今日何不成前言。秦檜是問欲九成成就其和議也九成曰。九成何為異議。特不可圖苟安耳。檜復曰。立朝須優游委曲。方可保其位也。九成曰。未有枉已而能直人者。帝見檜與九成爭論不已。因問九成曰。朕今決意以和。卿可証其是非。九成曰。敵情多詐。陛下不可不審。帝默然。秦檜惡之。乃生支節。奏與九成為邵州知州。同時諫和議為非計者亦取之。喻樛與知懷安縣。陳淵中知安遠縣。凌景知辰州。樊光遠為閬州教授。毛叔度為加州司戶參軍。由是中外緘口。再不敢諫。詔分兩頭。且說撒離喝自涇州戰敗。屯鳳翔。及聞兀朮復失利。亦不敢出兵救應。哨馬報岳

飛因朝廷降詔班師。諸路官軍亦將退回。撒離喝聞之。謂部下曰。四太子日前手書。約出兵分岳飛之勢。吾不敢輕進。今聞岳飛班師。正宜乘此。机與四太子合兵。觀釁而動。因遣鶻眼郎君等。部領十萬人馬。從慶陽出河池。以至汴京。人馬即日起程。慶陽知府宋萬年。聽的金兵來到。一面差人往河池求救。自與懷負蘇欽。深溝高壘固守。是時撒離喝率衆抵延安府。將城圍了。令部下努力攻擊。總管趙惟清引軍登城守護。見金兵連營數十里。勢不可當。撒離喝遣牙將張兆奴至城下。招諭惟清。兆奴一馬至城下。問曰。趙總管何在。惟清曰。金將有何高論。兆奴曰。副元帥令某來勸總管。目今大衆臨城。量汝一旅之師。焉能拒敵。不如開城納款。總管必然重用。惟清笑曰。我宋臣也。豈順胡人哉。兆奴曰。豈不聞漢之王陵乎。勢窮而降匈奴。得居大位。以保終身之計。漢人不以為怯。今公之強弱。比王陵試

以為何如。惟清沉吟半晌，因言曰：「報知元帥，且緩攻城，待我與所屬議之。」兆奴領諾去了。惟清至府中，與安撫使忠植等議曰：「金人勢大難敵，吾孤軍在此，鄰郡聲勢不聞，莫若舉城降之，以保士民。」忠植怒曰：「總管是何言哉！朝廷以重任付君，守邊之責，正宜激厲部下，諭以忠義之志，出與交鋒，殺退金兵，使不幸有失，亦當背城一戰，與國共為存亡。奈何甘為屈膝謀哉！惟清默然。忽階下步將彭虎厲聲曰：「忠撫使欲陷我等乎？手執利刃，近前欲刺之。」忠植亦抽劍來迎。惟清急起勸之。忠植怒曰：「吾死誓不與汝逆賊兩立。」言罷而出。彭虎恨之，是夜開城，詣金營納降。金兵乘勢入城，城中大亂。彭虎引兵殺入忠植府中，正遇忠植走出，兩騎在東街廝殺。金兵四集，忠植不能支撐，被彭虎捉了，押來見撒離喝。撒離喝勸之同降。忠植罵曰：「逆天醜虜，吾恨不能殺汝。」撒離喝大怒，叱令斬之。張兆奴勸曰：「元帥且

寬其誅，可帶往慶陽城下，招諭宋軍。」撒離喝從之。即將忠植監候。次日，人馬離延安直抵慶陽。撒離喝令人押忠植至城下，招諭城上萬年與蘇欽。見城下監着安撫使忠植，因大驚曰：「延安已陷矣！二人計無所出。」忠植即於城下大呼曰：「我太行忠義也，為虜所執，恨不能啖啖其肉。今使來招降，願公等督率將士，勿負朝廷堅守城壁，以待鄰郡救援。」撒離喝聞之，怒詰曰：「吾意令汝招降，則免誅戮，尚敢出是言哉！令胡兵割其口。」忠植乃披襟曰：「當速殺我，誓不從賊也。」遂遇害。撒離喝督令眾人攻城，城中困迫萬年與所屬計議曰：「內無強兵，外無敵應，雖固守無益也。」遂開城歸降。

第五十三回 四太子昭關死戰

劉太尉疊橋破虜

却說撒離喝據了延安慶陽，兵勢精銳，欲進襲河池。鶻眼郎君曰：「河池宋軍壯健，且胡世將、楊政、田晟、吳璘、姚仲等勇不可當，元帥莫如駐兵慶陽。」

侯四太子有消息。約之兩下出擊。使宋人不暇為計。則河池諸路一戰可下也。撒離喝從之。遂按兵不動。却說兀朮自留汴京後。出入鄭許之間。簽兩河軍士。與舊部凡十餘萬。乃攻臨壽春。遂渡淮入廬州。聲息甚緊。報入行在高宗。尋詔張俊楊沂中劉錡引兵往救。詔下。各路得旨。引兵四出。救應。哨馬報知兀朮。兀朮曰。宋軍復來。吾當以精騎趨歷陽。從後擊之。敵人可破矣。卽下令軍中。將人馬趨歷陽而去。游騎報至江口。張俊知金人出歷陽。與部下商議迎敵。王德曰。淮者江之蔽也。棄淮不守。是謂唇亡齒寒。賊虜千里遠來。餽道決不繼。主帥宜伏兵兩岸。及其未濟。急擊之。虜賊可以奪氣。若遲之。使少安。則淮非吾有矣。俊從其議。令王德部兵二萬渡采石。張俊督三軍繼之。是日。主德駐江中。下令曰。明日虜賊必出歷陽。吾軍須嚴陣以戰。候殺敗敵人。然後會食。眾人得令。各摩拳擦掌。等待交戰。忽

張俊手書。令王德疾赴和州。據城屯札官軍。王德謂汪雄曰。主帥令取和州。汝與衆軍駐此。待吾拔和州後。可合大軍而進。汪雄領諾。王德引軍疾馳。夜拔了和州。平明。張俊大軍已進和州。哨馬報知兀朮。兀朮驚曰。宋軍既得和州。截吾去路。倘以重兵扼於後。何以當之。卽遣人會韓當出含山。縣分其勢。自引衆退保臨關。令金將龍虎大王與馬陵思謀率兵五萬來爭和州。二人得令。卽提兵至和州城下。搖旗吶喊。圍了城池。張俊分付軍士。堅守諸門。欲待挫其銳氣。胡兵一連困城三日。見城中無人出戰。各有怠志。王德進曰。金人已疲弊。今夜可劫其營。必獲全勝。俊許之。王德卽與汪雄分左右翼。半夜開城南北兩路殺出。金人不知提防。聽的宋軍出戰。又是夜裡。兼又困倦。各驚慌不迭。被王德斬寨直入。正遇金將張旺交戰。只一合。被王德刺死。餘衆潰散。汪雄一軍抄北門來。將龍虎大王圍住。金

兵大敗。自相蹂踏。死者不計其數。龍虎大王與馬陵思謀。乘夜潰圍殺出。將近天明。正東一派鼓响。為首一員。胡將乃韓常。引軍前來救應。王德驅軍衝殺。韓常抵當不住。與龍虎大王亟走。馬陵思謀奮勇抵住。追兵汪雄見金兵喪折。謂王德曰。敵人敗去。兀朮必驅大隊來。可歛兵入城。王德曰。乘此銳氣。直到昭關。擒了兀朮。免得屢生邊患。汪雄然之。各引本部同往。昭關正值金人力疲氣索。王德引軍先到。日尚未出。大霧迷空。關下喊聲震天。金人不知幾多軍馬。只是奔走不迭。忽汪雄一軍殺至。一齊攻擊。胡兵亂竄。兀朮死戰得脫。殺死金兵無算。王德遂復了昭關。及含山縣。張俊聞之大喜。差人探聽。兀朮走路。約劉錡。楊沂中出兵截殺。兀朮引敗兵走回廬州。憤氣不息。復聚兵來寇石臯。却說劉錡有太平渡江。欲與張俊楊沂中會。忽報兀朮人馬已出石臯。錡乃與關帥古議曰。虜兵遠來。不識地

勢。此間離石臯五十里有東關。最是險要。兀朮必由經過。公可引步騎八千。據此以遏之。彼雖有十萬大兵。不能近矣。關帥古引兵去訖。錡與關充趙樽韓直等。部軍出清溪。近兀朮人馬。札下營寨。次日兀朮見宋軍營寨。遂謂龍虎大王曰。吾觀石臯之地平坦。利於用騎。汝可部二萬驍騎。從石臯南岸抄出。宋人之後。吾引軍夾石梁河而陣。遇戰。汝兵即殺出。又遣李成。趙云。引兵一萬。從巢湖截住宋人後援。眾將各領計去了。兀朮亦自准備交戰。哨馬報知劉錡。錡聞知。笑曰。平川之地。只宜車戰。步騎不足用也。眾將曰。車戰何取用。請太尉言其畧。錡曰。製車之法。取用常車。接其衝。扼駕以一牛。布為方陣。四面皆然。車上置鎗二枝。以蔽車面。後設水器。以防火攻。士卒前行。各置鎗。士卒後行。各持弓弩。如賊至。令士卒上車。每車載四人。皆持弓弩。車陣之內。數十步相連。六車或駕四牛。上為重屋。以

施勁弩。賊至擊鼓為號以射之。况一車能當十騎。十乘能敗千人。用車戰以便軍勞。行則可以載糧。止則可以為營衛。或衝其陣。敵人必潰。或塞險隘。必致難逃。平坦之地。故宜用車戰。可以制勝也。金人安識此哉。闞充曰。太尉既有此克敵之術。何不預備之。以破其衆。錡曰。彼今得地利。吾復用之。徒費精神。今敵人衆銳。吾軍只可堅陣休養。以待張俊兵來。併力擊之。虜賊自破矣。今若即戰。必墜其計。趙樽曰。今兀朮以疲散之衆。深入吾地。雖號稱數十萬。亦何能為。且我兵操練日久。藏鋒養銳。正當急擊。勿失可也。錡曰。汝等既要迎敵。亦須分前後而出。庶防金人之抄截也。闞充分一萬人馬出浮橋。趙樽引兵一萬向石梁河。平明金兀朮引軍列陣于石梁河北岸。宋將趙樽來迎。兀朮挺鎗殺來。趙樽舞刀交還。二人戰了二十餘合。忽南岸龍虎大王引兵抄出。趙樽背後將趙樽回路截住。中間是河隔

了。趙樽前後受敵。宋軍驚亂。被虜殺死無數。正危急間。闞充一隊軍從東南殺來。衝開金陣。救出趙樽。合兵殺回本陣。兀朮見宋壁巖整。恐有伏兵。鳴金收軍。趙樽回營。見劉錡請罪。錡曰。吾以虜兵衆盛。令汝等勿出。今果敗。敵人愈驕矣。汝且去。待吾另作計議。樽遂退出本營。劉錡引數騎出寨外。審視地勢。問土人要津。已得詳細。就回軍中。諭韓直曰。石梁河水通巢湖。兀朮自恃其險。兩岸令人防守。以吾軍必不能濟。汝可引五百軍。曳薪木。串作大牌。每一牌橫頭相接。中用架木安之。疊成橋而渡。看敵人何以制我。又令甲士數隊。踰橋卧槍而坐。防上流伏兵。仍遣人會合張俊楊沂中之師。韓直得令。即部軍前抵石梁河。依法為之。其橋須更而成。宋軍即能渡矣。兀朮知得出營觀之。見宋人渡橋如走馬。呀曰。何神速耶。遂以其營撤退二十里。次日楊沂中張俊及王德田師中張子蓋諸軍俱至。與劉

錡相見錡大喜。各依次坐定。設筵款待。飲至半酣。錡曰。今兀木大衆。不時南侵。公等有何高見。可以破之。田師中曰。兀木為患雖久。其實未嘗得利。只彼虜賊衆多。儘勾誅殺。莫若與太尉併力一戰。窮迫之。一鼓可擒矣。錡曰。此計非善。兀木金之勁敵也。鬪勇非吾所長。吾欲以奇勝之。令諸將分左右中三路。並渡河以擊之。左路出石梁河右路出巢湖中路出鳳坡吾以後隊繼進。必能成功。只不知有人敢任中路之職否。張俊即起曰。待吾當之。遂與王德引本部軍而去。楊沂中曰。吾以所部相助。錡曰。得諸公肯出力。朝廷福也。因各令行。錡自以部下將士。多置旗幟。出東山接應。且看下回如何分解。

第五十四回

兀木退保紫金山

沂中戰敗濠州城

却說兀木探知宋軍分三路而來。令軍中以鉄騎十萬。分為兩隅。夾道排下陣勢。張俊軍馬出鳳坡。遙見金兵一齊擺開。鼓聲不息。王德曰。賊右陣

堅完。某當先擊之。主帥提兵繼進。俊許之。王德引軍渡河。首犯其鋒。金陣突出一酋。乃金環茶奴也。手執三稜簡來迎。與王德交戰數合。王德詐敗回馬而走。金環茶奴放馬追趕。王德約其將近。按住金鎗。引弓一發。金環茶奴應弦而倒。餘衆潰散。張俊見了。驅衆攻擊。楊沂中諸軍鼓譟從之。兀木靠陣不佳。自引輕騎邀敵。與楊沂中交戰二十合。勝敗未分。龍虎大王以拐子馬兩翼而進。勢不可當。將宋軍圍遶。如鉄桶相似。四下矢如雨點。王德部衆麤戰不已。沂中潰圍衝突。揚令軍中曰。虜恃弓弩。吾有以屈之。使萬人持長斧。如墻貯而進。矢不能及。又令隨砍其拐子馬之脚。宋軍併力戰之。金兵大敗。兀木領本部人馬且戰且走。王德亟追之。忽湖口船如箭發。為首二將。乃李成趙云也。見兀木被宋軍追趕。二人即率所部上岸。大叫曰。元帥可走上船。吾敵住來將。兀木拍馬刺斜而走。李成趙云各舉

兵器直取王德。王德挺鎗交鬪。三匹馬正戰間。王德手起鎗到。刺死李成於馬下。趙云見折了李成。不敢戀戰。回馬逃走。楊沂中繼至。謂王德曰。前去盡路。兀术必難出。可乘勝逐之。王德曰。然復引兵追趕。是時兀术不敢上船。恐宋軍絕岸追之。止與部下迤南僻路走去。見後面宋軍追來。兀术與眾將只顧奪路而走。至東山。忽坡後金鼓齊鳴。見出一面旗。大書數字。乃宋太尉劉錡之號。兀术大驚曰。此順昌旗幟也。虜賊胆落。各拋戈弃甲。慌亂逃竄。自相蹂躪。死者不可勝計。劉錡驅軍趕來。勢不可當。將兀术困在垓心。龍虎大王揮動胡衆捨死近前。殺入陣中。救出兀术。忽向南一彪人馬到。乃韓常也。乘勢沖開一處。且戰且走。又遇趙云領敗兵到。劉錡方引眾追趕。兀术令韓常與趙云後殿。劉錡趕到。與韓常趙云三匹馬混戰一處。劉錡揮起一刀。把趙云斬死。韓常無心戀戰。亟走與兀术退保紫

金山。劉錡見兀术去遠。不追。勒騎飲眾回。與楊沂中張俊王德兵合一處。王德曰。今賊兵喪敗。可乘勝逐北。以取廬州。劉錡然之。會田師中張子蓋併力逐北。取了廬州。是役也。兀术失將士九百人。金人死者以萬計。遺去器械輜重。堆積如山。兀术與敗眾至店步。諜報廬州被宋人取了。兀术憤恨。謂龍虎大王曰。宋將屢困吾眾。今又取去廬州。使吾無駐立之所。不若協力再戰。以雪其恨。龍虎大王曰。不可。劉錡變詐。金人屢敗。若復迎敵。先自畏怯。兵法云。畏戰者亡。若復再戰。恐無益也。不如撤退延鄜。約撒離朶出濠州。待得了濠州。我眾南侵。可以安止。仍差人請南朝着令秦檜催還邊上宋軍。候有動靜。元帥親兵復來未晚也。兀术從其言。遂引眾退入延鄜。就約撒離朶出攻濠州。復差人帶書往南朝。見秦檜。却說秦檜正在府中。發放公文。忽得兀术遣人送來密書。即分付差人回去。暗遣司農李若

虛將以前詔書。催回劉錡等軍馬回本鎮。李若虛齎詔去。訖張俊揚沂中。劉錡奉詔商議。班師或有言乘金人勢窮。宜整兵以圖恢復。劉錡曰。君命不可抗違也。縱成功亦得不恭罪。莫若奉詔班師。再作計議。王德曰。恐天時人事不可再得。那時使金人立得脚定。宋人任有十數萬軍。亦不能到此地步。張俊不從。委官鎮守廬州。即日奉詔班師。大小三軍一齊起行。了數里。忽諜報金人撒離朶從劉家寨出攻濠州甚急。張俊曰。金人攻濠州。公等宜復兵救之。沂中曰。金人侵寇吾地。安得不救。即日須行。勿致延慢。俊因令軍中速趨濠州。行至黃連埠。距濠州只爭七十里。哨馬回報。金人已攻陷濠南城矣。俊大驚。召諸將計議。沂中曰。金人新得濠城。乘彼人心未安。我等協力一戰。以挫其刃。錡曰。不可。本來救濠。今濠已失。進無所依。不若退師據險。徐為復圖。諸將皆然之。即與張俊沂中分三軍。昂足立。

為營壘。越二日。探軍報敵兵已退去。城門大開。並無動靜。俊曰。可令大軍入城。錡曰。狡虜得城遽退。必有謀。宜嚴兵備之。俊不聽曰。孺子何怯乎。且欲自以為功。不令錡往。而遣沂中與王德引軍六萬直趨濠州。沂中與王德引兵至城下。望見城中火烟併作。鼓聲雷動。金人伏騎萬餘。分兩翼而出。金將李鈇牛從南門殺來。沂中恰慌。願謂德曰。中敵人算也。足下如何抵之。德曰。吾小將安敢議事。令在王帥言未畢。鈇牛躍馬徑奔王德。挺鎗交還。正與金將慶戰。間虜騎兩下箭如雨點。宋人大亂。沂中見勢不利。以策麾軍曰。可速退走。南軍遂潰。復無紀律。自相踐踏死者無數。王德死戰不脫。忽正南一彪軍殺來。旗幟乃韓世忠也。奮力冲入。救出王德。撒離朶與部下分路追之。宋兵大敗。沂中等退入滁州。劉錡人馬到藕塘。與張俊相會。俊曰。悔不聽公言。果有此敗。敵兵已近矣。今復如何。錡曰。毋那。

驚恐請以步卒禦之。敵人自不敢近。錡麾下皆曰：兩大帥謂沂中人馬已

渡淮去矣。我軍何苦獨戰。洪難支持。請宣撫可速行。錡折之曰：昔守順昌

孤城。旁無赤子之助。吾提兵不滿二萬。猶足取勝。今得地利。又有銳兵。何

敵不能抵耶。遂下令軍中。以所部設三覆陣。以待之。俄而諜報曰：金人退

去。不來追矣。俊正疑間。忽見沂中世忠王德皆至。俊心始安。次日體探金

人消息。果渡濠州而去。乃班師還鎮。張俊歸建康。劉鑄歸太平。沂中歸臨

安。游騎報入鄂州。岳飛知的金人復陷濠州。嘆曰：使詔命遲下數日。不容

虜賊如是猖獗也。卽喚過其子岳雲謂之曰：汝且訓練兵馬。準備器械。吾

當躬詣行在。有機事奏知。岳雲領命去訖。畢竟看後如何。

第五十五回 岳飛入朝請興師 秦檜定計削兵權

却說岳飛輕騎至臨安。朝見高宗。奏道：金人舉國南來。巢穴必虛。若以吾

軍長驅京洛。以擣之。彼必奔走。可坐而敝。帝不從。秦檜惡之。背地奏高宗

以為陛下既詔各路班師。不久太上皇梓宮及韋太后消息至矣。今濠州

雖失。乃小忿耳。請陛下以大孝自體。勿聽臣下之言也。高宗因見金人屢

失盟好。遲疑未決。岳飛既退。私第身沾宿疾。苦寒咳嗽不已。然其志圖報

効。急於恢復。次日又具奏曰：臣如領兵擣其虛國。勢必得利。陛下若以敵

方在邇。未暇遠圖。欲乞親至蘄黃。以議攻敵。庶幾為後計也。帝見岳飛意

切。乃下詔着飛會兵蘄黃。飛承命。卽日辭帝回鄂州。收拾人馬。望蘄黃進

發。時值春盡。天氣暄暖。人馬精神。所過秋毫無犯。隴道中耕夫皆荷鋤而

觀。岳飛遣人探濠州消息。哨馬回報濠州日前被金人陷了。今退去二朝

矣。岳飛得報。卽以人馬進濠州。安撫軍民。修理府庫。令軍士築壕塹。委官

鎮守。具表遣人遞奏行在。遂還屯札舒州。以俟朝廷之命。高宗得岳飛修

陳濠州表疏差內臣齋子尚書府發落內臣領詔逕至秦檜府中呈報檜見了表疏着人請給事中范同到府有事商議差人去不多時范同隨入府。悉見秦檜檜引人後堂分賓主而坐。同曰。小官何得有坐。檜曰。有事與執事計議但坐無妨。同始坐于堂側。檜曰。吾意力主和議。岳飛諸人往。奏上。欲圖恢復。近日府中接到疏草。疊積誠恐諸將難制。今欲盡削其兵權。足下有何良策。范同曰。此事甚易。朝廷封爵。出由丞相。何不奏上請除韓世忠張俊岳飛樞府之職。則兵柄自解。檜喜曰。公言深合我意。因設酒禮待同。飲至半酣。檜問及朝中某人可進某人可退。同一一為之開導。檜見同阿已甚。悅酒罷。范同辭去。次日秦檜密奏張俊戰石鼻之捷。遂復廬州。韓世忠鎮守江淮。金人不敢南下。岳飛兵駐朱仙鎮。兀朮從家遠道。是三將者。偉績昭著。望陛下降詔召赴行在。論功陞賞。庶使朝廷中外。以陛

下重報功臣之盛德。高宗大悅。遂允其請。卽頒詔遣內臣齋於各鎮去。訖。且說使臣齋詔到建康。召張俊。俊降階迎候。使臣逕至堂中。宣讀聖旨。詔曰。朕承中業。曹家不造。天步艱難。人心騷動。民差蠢侵於西土。猱狁孽擾於中原。生靈荼毒。朕寔憫焉。所賴文武同心。將士戮力。內平禍亂。外靖邊庭。茲者宣撫使張俊。狗國無家。護兵有法。智謀深博。可以運籌帷幄之中。聲名隱隆。可以折衝廟堂之上。朕心所屬。輿論攸歸。卿宜疾赴行在。論功授封。嗚呼。盡忠匡國。惟臣子之至誠。崇德報功。乃朝廷之通典。欽予時命。想宜體悉。

張俊接詔謝恩畢。分付軍中戎務。委能將總理。自隨使臣逕赴行在。次日朝見高宗。高宗大悅。謂曰。卿為國勤勞。多聞捷報。朕嘗欲一見。因卿總戎在外。未可遽離。今召赴行在。實以卿克理內政也。俊頓首稱謝。退出居府

第二日韓世忠楊沂中王德等皆隨詔來到獨岳飛未至秦檜問於叅知政事王次翁次翁曰岳飛一軍最為閑要明日再奏仍遣一促之待衆人聚于京師權柄不一自生猜忌此正鎖諸侯法也丞相慎勿失此秦檜然之次日檜復奏岳飛兵屯舒州未至陛下再差內臣召人則可以擬封爵高宗允奏又遣司農李若虛同內官黃順齎詔催促岳飛速赴朝廷李若虛黃順領詔逕往舒州見岳侯宣讀上意岳飛俯伏聽命

詔曰提七萃之旅入則拱衛於巖除建六轟之威出則撫臨於邊塞克備爪牙之寄聿資心膂之臣誕敷顯命播告治朝廼者諸路招討使岳飛偉量沈雄英資果毅早膺勇爵備歷戎行懷干城禦侮之材著斬將奪旗之績屢得捷聞甚契朕意今將頒詔於諸鎮即日咸聚于京師欲擬封賞惟卿未至故茲詔示指不多及

岳飛拜受詔書請使臣入後堂坐定問曰有勞使臣遠來近日頒詔諸鎮出於上意或由廷臣主之若虛曰不瞞君侯說吾二人實上命所遣其擬封賞級皆從秦丞相之請也飛曰二使臣先回岳某隨後便至黃順曰聖旨候君侯與諸鎮會朝若復後朝則吾二人亦有罪也望君侯一同赴朝岳飛只得以軍事付岳雲掌理自與使臣逕赴行在同韓世忠張俊楊沂中王德等會朝見高宗高宗命岳飛入內廷有機密事商議飛承命進見高宗于拱德殿拜伏階下高宗曰朕嘗思內閣之語以中興一事專委任卿廷臣多有議論與金講和者朕因太上皇梓宮未還韋太后車駕耗馬是與切于尋盟欲得應成此事目今遣使往返道路金人屢有此請朕不得已而從之是使卿班師還鎮用賜封賞居列朝廷分理政事候在金人的有太上皇及韋太后消息與卿等又作遠圖何屢詔至卿未即赴以

慰朕懷耶。岳飛頓首奏曰：臣非敢抗違君命，而不果行。初臣駐兵郾城，距黃龍府只爭七十里。那時金人之氣銷沮殆盡，正待會集兩河忠義，指日渡河，誅兀朮如砧上之肉。復汴京猶反掌之易。陛下連齋到御札金字牌一十三道，臣遠離朱仙鎮，河南百姓苦遭金人荼毒者，遮道而留，哭聲震野。彼時臣逗留于進退莫得之間，仰思君命，俯視民情，是班師歸鄂之旨，臣甚不得已也。言罷，嗚咽似不出聲。高宗亦為之戚然。復諭曰：卿之勤勞，朕足知矣。日已晏，且退。來早詣尚書省聽候指揮。飛承命而退。次日降出聖旨，拜韓世忠、張俊為樞密使，又拜岳飛為副使，加楊沂中開府儀同三司，賜名存中。王德為靖遠軍節度使，准秦檜奏，進范同為翰林學士。世忠等既承封爵，各具表會同謝恩。惟張俊懷不平，自以為岳飛年少于我，初只列在將校之中。今日職位拔起居我上，必須謀陷之。方雪此憤，乃與心

腹人胡居正商議陷岳飛之計。居正曰：樞密近來知朝廷封爵之事乎？俊曰：不知也。居正曰：秦檜力主和議，恐難制諸將，故用此鎖諸侯法。盡收樞密等兵權。今聖上擬定陞職，非秦檜之本意。樞密何不以此罷兵首請秦檜將所部隸御前，庶示不復用兵意，且力贊和議，重結于秦檜。那時何患官職弗進于岳飛之上，而乃區區欲陷之乎？張俊聞言大喜。次日逕往秦府見檜，請以所部隸御前，且言邊將貪功，阻其和議，致使干戈不息。毋以舒內寢之宵旰也。檜見俊首請罷兵，深合其意，喜曰：張樞密果有心對秦某，終當不負公也。俊曰：丞相為天下蒼生，俊安得不贊其成。秦檜悅之，留府中議論終日。自是秦檜有所為，必謀于俊。俊圖得高位，亦盡心為之。措置檜曰：奏帝乞罷三宣撫司，以其兵俱隸御前。遇出師之際，臨時取旨調發。又奏置三總領所于湖北、淮東、淮西，以統諸軍。帝皆允其請。詔下即日罷

三宣撫司以收其兵。凡朝廷一應政事皆出秦檜門矣。以後軍需錢糧。因時改變。中外騷動。將士不安。淮東舊屬韓世忠部下之軍。因罷宣撫司後。暴悍無統。欲生邊釁。消息傳入御前。高宗召廷議曰。軍制之初。卽聞變亂。以其無大將統之也。朕于諸將中。擇其有重望者領之。汝衆臣試舉誰能任此職。諫議大夫万俟卨奏曰。開府儀同三司楊存中。素有重望。深得士心。其人可當此任。高宗曰。存中雖有小才。而非大器。終不足以濟事。據朕所論大將才。無如岳飛。若委任之。必能服衆矣。是日卽下詔。着岳飛往淮東安撫韓世忠之軍。岳飛承詔。逕往淮東。軍士聞知朝廷差岳飛來到。無有不悅。岳飛至鎮。所宜以威信。部伍肅然。內中有反去者。依前來歸。事聞行在。高宗悅曰。岳飛的不負朕委任也。廷臣衆皆京在話下。

第五十六回

張俊黨奸議分軍

吳玠設立疊陣法

却說岳飛既靖淮東。以為聖上知人之明。惟秦檜憾之。謀于中丞何鑄。何鑄曰。丞相着令張俊分其軍。則岳飛自當讓退。檜從其計。次日具奏高宗曰。世忠所統多有離叛。且外患未靖。乞陛下復委張俊。與飛預為謀畫。鎮守淮東。不失根本。此萬全之策也。高宗允奏。仍命張俊同領淮東軍。張俊得旨。逕詣淮東。會見岳飛。岳飛大喜。自是與俊條陳軍政。凡一切事。必稟俊而後行。未數月。飛與俊在軍中文論。俊曰。戎務誠重事。今聖上已罷宣撫。世忠所統之軍。最難制者。惟輩嵬軍。我與公分而管領。斯可以銷其不靖志也。飛曰。不可。君與世忠皆朝廷命官。且世忠職居樞密。雖罷宣撫。將士皆遵其法。今一旦分之。非處同列之宜。復如公義何。俊聞言不悅。忽謀報金人闖兵柳河。將窺楚州。飛謂俊曰。某同公提輩嵬軍往楚州觀敵。俊從之。二人遂率輩嵬軍往楚州。俊見楚州城郭不完。壕塹頽廢。難以保守。

議欲退保淮東。飛曰：虜賊知吾等在此，未敢卽南侵也。正當與君訓練甲兵，以圖恢復，豈可為退保謀哉？俊变色，甚不平。飛所言遂退居別府。忽小校報知世忠，卽下來見樞密。張俊令召入，二人逕至堂上，拜見。乃世忠舊吏景著，總領胡紉也。俊問曰：汝二人來，有何見議？景著曰：近聞樞密與岳副使欲分韓樞密軍，吾等特來稟知。若樞密的有是意，恐致衆情不協，而生禍亂矣。俊大怒曰：吾尚未主行是事，孰教汝來稟？意必岳飛所使，叱令二人退出。乃具書告知秦檜，檜見俊書，道韓世忠卽下來根究分軍一事。是必世忠不欲罷兵柄也。丞相可理會之。檜大怒，差步騎數千人至楚州，捕捉景著、胡紉、步騎疾馳楚州，捉二人，回見秦檜。檜令下大理，命司刑官拷勘。令以扇搖誣世忠，岳飛卽下聞秦檜捕捉景著、胡紉之事，報知岳飛。飛詢得乃張俊所謀，大驚曰：韓世忠誠實君子也，張樞密亦有意陷之乎。

卽修書遣人疾往臨安，報知世忠。世忠接書，拆封觀之。

書曰：事將起，子未度之後，君子亦苟悔吝之災。行若失于往事之徵，智者有所不為。近日張樞密有分足下輩嵬軍之請，予義不肯。未度所部軍吏總領來，曾呈是事，致秦丞相繫捕下于大理，必于聖天子前奏足下有違君命而欲自尊兵柄矣。足下宜先于御前辯明，庶使玉石克分，勿使冒罪。切毋苟簡，因循自蹈其咎也。此達。

世忠看書畢，驚無措。次早入奏高宗曰：臣本庸質，誤蒙擢用，今居樞密之職，權柄不為不重。臣朝夕惕懼，恐有負陛下之委任。安敢復有過望，欲再得總理兵戎之意。今陛下勅命張俊安撫臣軍，近日與岳飛分臣輩嵬軍。臣恐軍勢一分，必致紛爭。未度臣前所領軍吏景著總領胡紉，卽先告之尚書省，遣騎捕下獄。臣懼復得罪于陛下，是以不避斧鉞之誅，冒奏丹

塤伏候勅旨。高宗覽奏，下命諭世忠曰：卿之志朕素知矣，勿以外事自亂心曲，特降詔知尚書省，放出景著、胡紉。世忠謝恩退出。俊在楚州，知岳飛以書報知世忠，於是大憾岳飛，密遣人以飛報知世忠事，告于秦檜。檜大怒，奏高宗召俊飛還朝。數日有詔下楚州，飛聞詔嘆曰：吾于此知朝死，不復用兵矣。二帝之恥何時得雪。中原之地竟不可復，只得領兵還至行在，遂不復出掌兵。其僚屬多乞告辭而去。故俊每獨出視師，再說楊存中見劉錡、驟貴為淮北宣撫判官，心甚嫉之。與張貴言于朝曰：淮南之役，金人氣銳，岳飛若不救援，劉錡戰亦不力。是順昌之捷，其功非錡獨有。秦檜信之，奏罷劉錡及劉光世兵權。錡以知荆南府，光世以為萬壽觀使。秦檜又奏欲罷遠鎮宣撫司兵，而及四川胡世將。高宗曰：四川封守，方隅阻越，屢被金人搔擾，士民不得寧居。近有胡世將吳玠孤軍在外，豈宜罷之。朕當


下詔獎諭之。卿勿多生憂端，慎語塞而退。使臣齎詔往川陝去訖，却說同節制陝西諸軍吳玠，近日進兵拔秦州，與世將得高宗獎諭詔書。戰之益力。謀報金將胡蓋與玠不祝合兵五萬欲來與宋軍放對。玠入見世將曰：金人合軍而來，氣驕意惰，吾兵已得地利，只一陣要破虜賊，生擒敵俘于堦下。世將曰：足下有何良策能如此決勝。玠曰：有新立疊陣法，足可殲敵人矣。世將曰：登陣法何以取用。玠曰：其法每戰以長鎗居前，次取強弓，又次強弩，令將士跪膝以俟。次用神臂弓，約賊相搏，至百步內與之號令，則神臂弓先發七十步，強弓併發，次陣亦依此行。凡陣以拒馬為限，鐵鈎相連，遇有見傷則更代之。若代則以鼓為令，出騎兵兩翼以蔽于前，待陣成騎兵復退，此謂之疊陣法。世將善之，即令軍中依吳玠所言。諸將竊議曰：若依吳將軍疊陣法，遇敵人將士未知約束，不利戰鬪，何以得勝。玠曰：此

乃古制束伍令也。兵法云：平坦之地，可用車戰；出險之地，可用步戰。攻擊追襲，可用馬戰；隨地利而作用不同。今吾據此地，宜用此法，得車戰餘意。諸君不識耳，必在戰士心定，則能持滿。敵雖銳，不能當也。衆人然其言。璘卽依法布定，率部下進次刻家壩。且說金將胡蓋習不祝與裨將撒不叱、幹朶思、人馬屯于鹿角砦。據險自固，忽哨馬來報宋軍來近鹿角砦矣。習不祝曰：吳璘新復秦州，乘勢來戰，其鋒不可當。今鹿角砦止有兩條路，而入東北一條路，川平野曠，人馬可行。若以木石疊斷砦口，雖有百萬之衆，亦不能攻我。與將軍深溝高壘，堅宮勿與戰，便驕其軍心，銷其銳氣。然後分左右翼擊之，宋人可破矣。胡蓋笑曰：吾來本與宋人決一雌雄，今又據險不戰，是畏敵也。且吳璘智將，非庸俗之比。若依公策，適足以老吾軍，勝負竟難分也。遂不聽習不祝之計。卽點兵出戰，游騎報入吳璘軍中。璘與

部下商議進戰之策。健將姚仲曰：敵人營寨據高而立，若以步騎迭出其後，戰于山上，吾令之片甲不回。璘曰：戰于山上，乃絕地也。倘敵人絕其後，我軍不戰自亂矣。公只宜誘其來戰，金人一至，卽可擒之。姚仲從其計，在山頂立營。胡蓋見之，笑曰：吳璘不足懼也。今于絕地連營，此死牒矣。習不祝曰：吳璘有謀，不可逆料。且宜堅守。胡蓋不聽。卽令幹朶思引軍出戰。吳璘知虜賊來近，堅壁不出。待近黃昏，吳璘乃遣人約姚仲多置火炬。候宋軍到，然後舉火。就令王彥引五千軍，頭裹赤幘，各帶鮮明器械，悄悄渡河，陟峻嶺。近他營寨埋伏。聽吾號砲一响，然後發火。王彥領計去了。璘又選五百砲手，各帶火砲，隨後臨時聽令。又差劉浩先出敵金兵。璘分撥已定，自與胡世將引軍接應。畢竟看後如何。

岳武穆精忠傳卷之五終





卷五

五

